

- ՀՀ տրանսպորտի և կապի նախարարությունը, շրջանցելով ՀՀ կառավարության 15.02.2007 թվականի թիվ 690-Ն որոշմամբ սահմանված պահանջները, առանց գործունեության համար օգտագործվող ապրանքների, առարկաների, սարքավորումների փորձաքննության դրական եզրակացության, կամ ապրանքների, առարկաների ու սարքավորումների վերաբերյալ օտարերկրյա պետությունների կամ կազմակերպությունների կողմից տրված փորձաքննության դրական եզրակացության, 2017-2018 թվականների ընթացքում հինգ ընկերությունների տրամադրել է տրանսպորտային միջոցների տեխնիկական զննության անցկացման լիցենզիաներ:

- ՀՀ տարածքից միջպետական ավտոբուսային կանոնավոր փոխադրումներ իրականացնող ՀՀ փոխադրողների ընտրության մի շարք մրցույթների կատարվել են ՀՀ կառավարության 27.12.2007 թվականի թիվ 1587-Ն որոշմամբ սահմանված պահանջների խախտմամբ:

- ՀՀ ընդհանուր օգտագործման պետական ավտոմոբիլային ճանապարհներին գովազդ տեղադրելու համար ճանապարհային վճարից ապառքը 01.01.2018թ դրությամբ 40,747,0 հազ. դրամի փոխարեն հաշվարկվել է ընդամենը 3,232.0 հազ. դրամ:

- ՀՀ ընդհանուր օգտագործման պետական ավտոմոբիլային ճանապարհներին գովազդ տեղադրելու համար 2017-2018թթ պակաս է գանձվել 60,615.0 հազ. դրամ:

- Միջպետական և հանրապետական նշանակության 3,698 կմ ընդհանուր երկարությամբ ավտոճանապարհներից, 348 կմ երկարությամբ միջպետական նշանակության ավտոճանապարհահատվածներում կատարված զննությամբ արձանագրվել է թվով 158 ապօրինի տեղադրված գովազդային վահանակներ՝ շուրջ 1282 քմ ընդհանուր մակերեսով, ինչի դիմաց ՀՀ պետական բյուջե տարեկան չի վճարվել շուրջ 12,820,0 հազ. դրամ ճանապարհային վճար կամ հարկ:

2. Հաշվեքննության իրականացման ընթացքում Հաշվեքննողը սահմանափակ տեղեկատվության պատճառով հնարավորություն չի ունեցել ուսումնասիրել հետևյալ ուղղությունները.

- Պատվիրված թվային տախոգրաֆի քարտերի և փաստացի տրամադրված քարտերի տարբերության /2017թվականին 41 քարտ, 2018թվականին 15 քարտ/, վերաբերյալ՝ նախարարության կողմից հաշվեքննիչ պալատին ոչ մի փաստաթուղթ չի տրամադրվել:

- Թվային տախտգրաֆի քարտերի պայմանագրային միավոր գնի և հանձնման ընդունման արձանագրությունում հաշվարկված միավոր գնի տարբերությունը հիմնավորող որևէ փաստաթուղթ հաշվեքննությանը չի ներկայացվել: Չի ներկայացվել նաև տրանսպորտային և մաքսային ձևակերպումների հետ կապված ծախսերը հիմնավորող որևէ փաստաթուղթ:
- Ի պատասխան հաշվեքննիչ պալատի գրավոր և բանավոր պահանջին, նախարարությունը չի տրամադրել կանոնավոր փոխադրումներ իրականացնող կազմակերպությունների և անհատ ձեռնարկատերերի կողմից պետական բյուջե վճարված պետական տուրքի գծով առաջացած ապառք գումարների վերաբերյալ պահանջված տեղեկատվությունը՝ 01.01.2017, 01.01.2018 և 01.01.2019 թվականների դրությամբ:
- Չի տրամադրվել պահանջված տեղեկատվությունը 01.01.2017 թվականի դրությամբ ՀՀ-ում անհատ ձեռնարկատեր չհանդիսացող ֆիզիկական անձանց՝ մարդատար տաքսի ավտոմոբիլներով ուղևորափոխադրումներ իրականացնելու համար լիցենզիա տրամադրելու նպատակով գանձման ենթակա պետական տուրքի ապառքների գծով՝ ներդրված համակարգի հնարավորությունների սահմանափակ լինելու պատճառաբանությամբ:
- Ընդհանուր օգտագործման տրանսպորտային միջոցների պարտադիր տեխնիկական զննության համապատասխան նմուշի փաստաթուղթ տրամադրելու համար գանձված պետական տուրքի գումարների վերաբերյալ նախարարության կողմից տեղեկատվություն չի տրամադրվել:

Ոչ լիարժեք եզրահանգում

Մեր կարծիքով, բացառությամբ «Ոչ լիարժեք եզրահանգման հիմքեր» պարագրաֆում նկարագրված հարցերի հնարավոր ազդեցության, 2017 թվականի հունվարի 1-ից մինչև 2018 թվականի դեկտեմբերի 31-ը ներառող ժամանակաշրջանում իրականացված Ծրագրերի շրջանակներում Նախարարության կողմից ներկայացված ֆինանսական հաշվետվությունները բոլոր էական առումներով ճշմարիտ են, համապատասխանում են դրանց իրականացման նպատակով կնքված պայմանագրերին և կազմված նախագծերին:

Արմեն Գևորգյան՝

ՀՀ հաշվեքննիչ պալատի անդամ

---մարտի 2020 թվական

ՀՀ հաշվեքննիչ պալատ,

Բաղրամյան փող. 19, ք. Երևան, Հայաստան

II. ՀԱՅՏՆԱԲԵՐՎԱԾ ԱՆՀԱՄԱՊԱՏԱՍԽԱՆՈՒԹՅՈՒՆՆԵՐԻ ԵՎ

ԽԵՂԱԹՅՈՒՐՈՒՄՆԵՐԻ ՎԵՐԱԲԵՐՅԱԼ ԳՐԱՌՈՒՄՆԵՐ

ՀՀ տրանսպորտի, կապի և տեղեկատվական տեխնոլոգիաների նախարարությանը (ՀՀ տարածքային կառավարման և ենթակառուցվածքների նախարարության փոխանցած ծրագրերի մասով), բացառությամբ շինարարական և «Միջպետական և հանրապետական նշանակության ավտոճանապարհների ձմեռային պահպանում, ընթացիկ պահպանում և շահագործում» ծրագրերի, ծախսերի համար հատկացված գումարը 2017 թվականին կազմել է 513,811.8 հազ. դրամ, որից հաշվեքննվել է 513,811.8 հազ. դրամը, իսկ 2018 թվականին 580,557.2 հազ. դրամ, որից հաշվեքննվել է 580,557.2 հազ. դրամը (տես աղյուսակ 1):

2017 թվականին պետական բյուջե ՀՀ տրանսպորտի, կապի և տեղեկատվական տեխնոլոգիաների նախարարության միջոցով՝ որպես եկամուտ, հավաքագրվել է 1,252,727.8 հազ. դրամ, որից հաշվեքննվել է 1,213,690.8 հազ. դրամ, իսկ 2018 թվականին հավաքագրվել է 1,250,705.5 հազ. դրամ, որից հաշվեքննվել է 1,154,946.7 հազ. դրամ (տես աղյուսակ 2):

Աղյուսակ 1

Հ/Հ	Հոդվածներ	հազար դրամ			
		2017թ.		2018թ.	
		Տարեկան ճշտված պլան	Փաստացի ծախս	Տարեկան ճշտված պլան	Փաստացի ծախս
	Ընդամենը հաշվեքննված ծախսային ծրագրեր	612,642.20	513,811.80	580,557.70	580,557.20
1	Ուղևորափոխադրումներից ստացված վնասի դիմաց՝ Հարավկովկասյան երկաթուղի՝ ՓԲԸ-ին սուբսիդիայի տրամադրում	324,000.00	301,720.00	346,990.00	346,989.80
2	Պետական աջակցություն՝ 'Տրանսպորտային փոխադրումներ' ՊՈԱԿին	26,352.90	128.10	0	0

3	նետական աջակցության 'Հայաստանի ավտոմոբիլային ճանապարհների տնօրինություն' ՊՈԱԿին	208,313.00	194,641.83	218,088.90	218,088.90
4	Հայաստանի Հանրապետությունում սկիզ սարքերի (թվային տախտգրաֆի) համակարգի պահպանում (սպասարկում)	18,666.30	17,322.00	15,478.80	15,478.50
5	Երկաթուղու շինարարության տնօրինություն"ՓԲԸ սուբսիդիա	35,310.00	0	0.00	0.00
	ընդամենը	612,642.20	513,811.80	580,557.70	580,557.20

Աղյուսակ 2

հազար դրամ					
	Ծրագրի անվանում	2017		2018	
		Տարեկան ծրագրված պլան	Փաստ	Տարեկան ծրագրված պլան	Փաստ
	Ընդամենը հաշվեքննված եկամուտներ	713,070.00	1,213,690.80	719,553.0	1,154,946.7
1	Ֆիզիկական անձանց կողմից մեկ մարդատար-տաքսի ավտոմոբիլով ուղևորափոխադրումների իրականացման լիցենզիա տալու համար	372,000.00	344,685.99	360,180.00	235,973.20
2	Լիցենզառուներին ընդհանուր օգտագործման տրանսպորտային միջոցների պարտադիր տեխնիկական զննության համապատասխան նմուշի փաստաթուղթ տրամադրելու համար	10,000.00	440,024.40 *	8,732.50	437,084.50*
3	Նհատ ձեռնարկատերերի և կազմակերպությունների կողմից մարդատար-տաքսի ավտոմոբիլներով ուղևորափոխադրումների կազմակերպման համար	-	37,296.56	0	26,753.70
4	Տրանսպորտային միջոցների և դրանց կցորդների պարտադիր տեխնիկական զննության անցկացման գործունեության իրականացման համար՝ օգտագործվող յուրաքանչյուր հոսքագծի հաշվով լիցենզիա տալու համար	-	39,808.52	0	42,137.30
5	Ընդհանուր օգտագործման ուղևորատար ավտոմոբիլային տրանսպորտով կանոնավոր փոխադրումների կազմակերպման գործունեություն իրականացնելու լիցենզիա տալու համար	-	14,302.60	0	18,472.60
6	Ավտոմոբիլային ճանապարհներին գովազդի տեղադրման համար վճար	-	30,009.70	0	37,994.40

7	Թվային տախտգրաֆի վարորդի կազմակերպության և արհեստանոցի քարտերը տալու համար	7,070.00	5,840.00	3,650.00	9,590.00
8	այլական երկաթուղու համակարգի վերաբերյալ կոնցեսիոն պայմանագրով նախատեսված տարեկան վճար	324,000.00	301,723.00	346,991.00	346,991.00

*- 2017-2018 թվականների ընթացքում տրանսպորտային միջոցների տեխնիկական զննության կտրոնի համար թե՛ լիցենզառուների կողմից իրականացրած վճարումները, թե՛ առևտրային բանկերից ձեռքբերվող ոչ ընդհանուր օգտագործման տրանսպորտային միջոցների տեխնիկական զննության կտրոնի համար վճարվող գումարները փոխանցվել են նույն՝ 900005161212 հաշվեհամարին: ՀՀ պետական բյուջե վճարված գումարի մեջ՝ ըստ նախարարության կողմից ներկայացրած տեղեկատվության, իրացված կտրոնի դիմաց 2017թ. վճարվել է 13,140.0 հազ. դրամ (5256*2,500դրամ), 2018թ.՝ 11,290.0հազ. դրամ (4516*2500դրամ):

Պետական աջակցություն «Հայաստանի ավտոմոբիլային ճանապարհների տնօրինություն» ՊՈԱԿ-ին

ՀՀ պետական բյուջեից «Հայաստանի ավտոմոբիլային ճանապարհների տնօրինություն» ՊՈԱԿ-ին անհատույց դրամաշնորհի ձևով 2017թվականին տարեկան ճշտված պլանով նախատեսվել է հատկացնել 208,313.0 հազ. դրամ, դրամարկղային ծախսը կազմել է 208,313.0 հազ. դրամ, փաստացի ծախսը՝ 194,641.8 հազ. դրամ, իսկ 2018 թվականին նախատեսվել է հատկացնել 218,088.9 հազ. դրամ, դրամարկղային և փաստացի ծախսերը կազմել են 218,088.9 հազ. դրամ:

«Հայաստանի ավտոմոբիլային ճանապարհների տնօրինություն» ՊՈԱԿ-ի հետ 31.01.2017 թվականին կնքվել է պետության կողմից անհատույց դրամաշնորհի ձևով տրամադրվող ֆինանսական աջակցության գումարների օգտագործման մասին թիվ 2 պայմանագիրը՝ 177,426.7 հազ. դրամ արժեքով (առանց ԱԱՀ):

2017թվականի հուլիսի 3-ին կնքվել է պայմանագրում փոփոխության կատարելու մասին թիվ 1 համաձայնագիրը, որով ավելացվել է դրամաշնորհի գումարը և այն սահմանվել է 200,396.6 հազ. դրամ:

2017թվականին ՊՈԱԿ-ի հետ կնքված, պետության կողմից անհատույց դրամաշնորհի ձևով տրամադրվող ֆինանսական աջակցության գումարների օգտագործման մասին պայմանագիրում 2 միջոցառումների արժեքները առանց քանակական ցուցանիշների փոփոխության ավելացվել են 8,404.0 հազ. դրամով:

2017թվականի հոկտեմբերի 3-ին կնքվել է պայմանագրում փոփոխություն կատարելու մասին թիվ 2 համաձայնագիրը, որով կրկին փոփոխվել է պայմանագրին կից իրականացվելիք միջոցառումների հավելվածը և ավելացվել դրամաշնորհի գումարը՝ սահմանելով 208,313.0 հազ. դրամ /առանց ԱԱՀ/: Փոփոխությամբ ավելացվել է ծրագրով նախատեսված թվով 4 միջոցառումների արժեքները, ընդ որում դրանցից մեկի՝

ավտոմոբիլային ճանապարհների առանձին հատվածների ծածկի վիճակի տենիսիկական տվյալների հավաքագրման քանակական ցուցանիշը (շուրջ 1600կմ) թողնվել է անփոփոխ, սակայն գումարը ավելացվել է 2,515.0 հազ. դրամով: Երթևեկության ինտենսիվության չափումների և վերլուծության միջոցառումներից հանվել են սկզբնական պայմանագրում սահմանված քանակական ցուցանիշները (96 հաշվեկետ և 118 այցելություն) և գումարը ավելացվել է 5,889.0 հազար դրամով: Ընդ որում ծրագրի կատարման հաշվետվության համաձայն այս միջոցառումն իրականացվել է հենց սկզբնական պայմանագրում նշված քանակների չափով (96 հաշվեկետ և 118 այցելություն), կամ այս դեպքում նույնպես առանց քանակական ցուցանիշի փոփոխության, գինը ավելացվել է 5,889.0 հազ. դրամով:

2017 թվականի սկզբնական պայմանագրի համեմատ ավելացել է երկու միջոցառումներ՝ «ՀՀ պետական նշանակության ճանապարհների ցանցի անձնագրավորում» 19,971.0 հազ. դրամ արժեքով, որը 2018 թվականի անհատույց դրամաշնորհի ձևով տրամադրվող ֆինանսական աջակցության գումարների օգտագործման մասին պայմանագրով չի շարունակվել և «Ավտոմոբիլային ճանապարհների և դրանց ինժեներական կառույցների (կամուրջներ, թունելներ, մետ. արգելափակոցներ) վերականգնման շինարարական աշխատանքների հսկողություն» 4,738.7 հազ. դրամ արժեքով, որի իրականացման մասին պահանջվող հաշվառություն չի ներկայացվել:

2018 թվականի հունվարի 18-ին «Հայաստանի ավտոմոբիլային ճանապարհների տնօրինություն» ՊՈԱԿ-ի հետ պետության կողմից անհատույց դրամաշնորհի ձևով